

CHART NA ROBÒTĀ

Znôta jaczégò zgniélca? Taczégò, co to nick mù sã nie chce. Co to gò òd samégò zdrzeniô na robòtã bòli? Co sã brzędzy dzejanim? Chtëren sã tacy, czej czėje, że je co do załatwieniô, zrobieniô? A nôgòrzi, czej jesz nicht mù za to nie zapłacy... Taczi społëznowi rek, co żdaje, że mù dô, BÒ ÒN JE, i za samò to mù sã sléchò – jak z ny wierztë Janczi ò mrówce i skòczkù?

A znajeta Wa przëtròfk czësto jiny – człowieka-charta na robòtã? Charłãznika, pròcohòlika, co to nié leno w piãtci, ale i w swiãt-
czy robi? W môl niedzël-
ny mszë pisze nõùkòwë
wëstãpienié? Z dzeco-
ma sã colemało leno na
fejsbùkù widzy? Taczi téz
sã trôfiãjã. I zelë zgniélc
zėje z robòtë jinëch, to
z charta robòtë fùl gòr-
scama nabieràjã jiny. Do
czasu. Do czasu, czej mù



I zelë zgniélc zėje z robòtë jinëch, to z charta robòtë fùl gòrscama nabieràjã jiny. Do czasu. (...) Biwò równak i tak, że zgniélc nabierze lëgòtcki na robòtã, czej mù sã państwòwò wspomòzka skùnczi, a chart pò trzech zawałach i ùdarze mùskù dô sobie pòkù z nadgòdzënoma.

zdrowië wësadnie. Białka nie òdbierze trzeczy róż telefònu, a zdrzãcë w zdrzãdło, chart nie pòznò sòm siebie. Biwò równak i tak, że zgniélc nabierze lëgòtcki na robòtã, czej mù sã państwòwò wspomòzka skùnczi, a chart pò trzech zawałach i ùdarze mùskù dô sobie pòkù z nadgòdzënoma. Dzysò dnia i jedno, i drëdzë je pròwdzëwã społëznòwã chërã, do jaczi prowadzy dozërné państwò. Zgniélc je pròscëszim przëtròfkã – jegò wëproscy głòd. Na charta to nie pòmòze. A mòze bë sã pòmòdlëc do Przędnika Wszëtczich Przędników ò chartowé wëzdrowienié? Chcemë to pòzwac „Lëtaniã ò lepszë wıtro dlò chartów na robòtã”.

*Wë, Nòwëszzi z Nòwëszsich, co wszëtckò mòzece – dójce nama lùdkòma, co chartowatoscã na robòtã grzëszã, bezpiek òd: napampùzonëch terminama kalãdòrzów, zwòniãcëch telefònow; bùdzyków wıedno za wczas szpòkùjãcëch; nõrëmnëch mejlów; za czãstëch esemesów; lëdzy, co jima nie jidze òdmówic; dlëgów do òdrobieniô; sãsada z lepszym àutòfã; referatów na przedwczora; felietónów na wczora; pıesniów do napisaniô na dzys; dzecy, co sã nie chcã ùczëc; ùstnëch, co majã na cebie namktë; pòliticznëgò dërdaniô; pòpròwianiô pò jinëch; niezdzãiwianiô; niedojòdaniô; za wiele jedzeniô; za wiele picò; nõfogù wcyganiô stolëmnëch prizów tobaczi; spiëwaniô dlò tëch, co nie czëjã, i mówieniô do tëch, co nie rozmie-
jã; bëcò wıedno pıerszim; zajãcò czims rãków; lãkã*

przed niebëcym; strachã òd zagùbieniô w zëcym. Òdpòwiòdómë: Niech tak sã stanie, Panie!

A zelë to nie pòmòze? Mòze taczégò charta do czegò przërzeszëc? Czëdã do zelòznëgò péka wmùrowónëgò w bùdink Chëczë Spòkójny Staroscë. Do pòla, jak krowã na Pażacy Niebnëgò Ùbëtkù. Do bórgù w Bankù Lëtczégò Dëtkã, nõlepi we szwajcarsczich frankach? (Nié! To nie je bëlnò ùdba, bò bądze mùszòł zarobic na spłatã...). A mòze taczégò zamknã w jaczim klòsztorze na rok? Dòjmë na to Zòkònu Cerpłëwëch Czurzajków. Białogłòwsczégò. Przędniczka zòkònu, matka Bruntilda Przespòkójnò, namieni chartowi za grëbima klòsztornyma mùrama mòlinuszka jizdebkã. Z zakratowónym òczenkã, co leno w nie głòwã jidze wsënac. Z cwiardyma wërama, dze na sërëch dëlach wësceloné je lopkã

słomë. Z miechã pò pòlony kawie pòd głòwã. Z trzema diżurnyma szuroma i dzesãc mëszama, co pilëjã, zëbë nick z klòsztornégò zjestkù nie òstało. (Mëszë, szurë a całò drëgò zgromadzeniówò zëwizna pòdlëgò sostrze Gderlindze Kòtkòwsczi). Z òbrzëszkã spiëwaniô dwa razë w dzëń stòrëch kaszëbsczich neùmów, nalazłëch w Chwaszczënie, w zelonym bùdinkù przë Rewerënda, w jizbie òd starnë szurkù z drzewã na zëmã, w trzeczy szuflòdze biórka, pòd rãkòpisã „Szlachama kùsków a zmiarzłëch Rusków”. Z piãc mòltëchama. Hewò je menu bédowóné na wtòrk: rënik: sëchi kòńschi chłëb pòpiti mlëkã bez kòzëcha; pòdpòłnik: kòzëch z renëgò mlëka pòsëpóny cëkrã bez sëtckò; pòłnié: zupa z wòdë pò gòtowanim bùlew i kwasné gùrczi; pòdwiëczòrk: pieczoné kùrczã do pòcknieniô, a na wieczërzã: Mòdlëtwa przed jedzenim renika zmùmlónò na sëchò. Dietë pilëje sostra Wagabùrda Przezmiartò. Taczi chart mùszòłbë òdpòkùtowac wszëtczë klòsztorné wigòdë. Pól dnia wësziwaniô sostrowëch nocnëch kòszlów zùkòwsczim haftã. A drëdzë pól? To wiksze? Òdmówianié przë pòragòdzynnym pùcowanim szrobrã klòsztorny kamianny pòłtodzi „Lëtaniã ò lepszë wıtro dlò chartów na robòtã”. Wejlë! Jo, to bë mògłò pòmòc chartowi na robòtã...

TÓMK FÓPKA